

წინამდებარე ხელშეკრულება დადებულია „24“ „აპრილი“ 2018 წ.

1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „სახელმწიფო შესყიდვების შესახებ ხელშეკრულება“ (შემდგომ - „ხელშეკრულება“) - შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.3 „მიმწოდებელი“ ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;
- 1.4 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული.

2. ხელშეკრულების დამდები მხარეები

ერთის მხრივ, დედოფლისწყაროს მუნიციპალიტეტი (ს/კ. 228542413, მისამართი ქ. დედოფლისწყარო, კოსტავას ქ. №44, შემდგომში „შემსყიდველი“), წარმოდგენილი მერის პირველი მოადგილის სოლომონ ღორაშვილის სახით, და

მეორეს მხრივ, შპს „ლიდერი“ (შემდგომში „მიმწოდებელი“), წარმოდგენილი მისი დირექტორის რამაზი გიორგაძის სახით. საიდენტიფიკაციო კოდი 427716983, მისამართი: ქ. გურჯაანი, თბილისი ქ. №10, ტელ: 595 55 77 45, მომსახურე ბანკი: ს.ს. „საქართველოს ბანკი“-ს გურჯაანის ფილიალი, ბანკის კოდი BAGAGE22, ანგარიშის ნომერი №GE90BG0000000922181100.

3. ხელშეკრულების საგანი

3.1 ხელშეკრულების საგანს წარმოადგენს ელექტრონული ტენდერი აუქციონის გარეშე (NAT180004949) ტექნიკური დავალების შესაბამისად (ტექნიკური დავალება და ხარჯთაღრიცხვა თან ერთვის წინამდებარე ხელშეკრულებას 6 ფურცლად) დედოფლისწყაროს მუნიციპალიტეტის ქ.დედოფლისწყაროში გამარჯვების ქუჩის დარჩენილ მონაკვეთზე კიუვეტის მოწყობის; დედოფლისწყაროს მუნიციპალიტეტის ქ.დედოფლისწყაროში რუსთაველის ქუჩის N90 და N104-ის მონაკვეთზე ასფალტის საფარის და კიუვეტის მოწყობის; დედოფლისწყაროს მუნიციპალიტეტის სოფ.ზემო მაჩხაანში შიდა საავტომობილო გზების მოხრეშვის; დედოფლისწყაროს მუნიციპალიტეტის სოფ.მირზაანში მიმავალ საავტომობილო გზაზე თვალამრიდის მოწყობის; დედოფლისწყაროს მუნიციპალიტეტის სოფ.მირზაანის ე.წ.„გონაანთ“ უბანში საავტომობილო გზის მოხრეშვის; დედოფლისწყაროს მუნიციპალიტეტის სოფ.ზემო ქედში შიდა საავტომობილო გზების მოხრეშვის; დედოფლისწყაროს მუნიციპალიტეტის არხილოსკალოში მინდორში მისასვლელ გზაზე საქონლის შეფერხების მიზნით გადასასვლელი ბარიერის მოწყობისა და დედოფლისწყაროს მუნიციპალიტეტის სოფ.ქვემო ქედში მინდორში მისასვლელ გზაზე საქონლის შეფერხების მიზნით გადასასვლელი ბარიერის მოწყობის (2 ადგილას) სამუშაოების საპროექტო-სახარჯთაღრიცხვო დოკუმენტაციის შედგენის მომსახურების (CPV-71320000,71324000) შესყიდვა ელექტრონული ტენდერის (NAT180004949) საშუალებით.

4. ხელშეკრულების ღირებულება

4.1 გასაწევი მომსახურების საერთო ღირებულება შეადგენს 2597 (ოთხიათასასოთხმოცდაჩვიდმეტი) ლარს საქართველოს კანონმდებლობით გათვალისწინებული გადასახადების ჩათვლით (დღგ-ის გარეშე).

4.2 გასაწევი მომსახურების ერთეულის ღირებულება მითითებულია ხარჯთაღრიცხვაში (ტექნიკური დავალება და ხარჯთაღრიცხვა თან ერთვის წინამდებარე ხელშეკრულებას 6 ფურცლად).

4.3 მომსახურება გაწეული იქნება შემდეგ მისამართზე:

ხელშეკრულების 3.1 პუნქტში მითითებულ მისამართებზე.

ნ. გიორგაძე ქ. დედოფლისწყარო

5. მხარეთა უფლება - მოვალეობანი

5.1 მიმწოდებელი ვალდებულია ხელშეკრულებით გათვალისწინებული მომსახურების გაწევაზე. იგი პასუხისმგებელია გაწეული მომსახურების ხარისხსა და ვარგისიანობაზე (დროულობაზე).

5.2 შემსყიდველი ორგანიზაცია იღებს ვალდებულებას მიმწოდებლის მიერ ხელშეკრულებით ნაკისრი ვალდებულებების სრულად და ჯეროვნად შესრულების შემთხვევაში, აუნაზღაუროს მას გაწეული მომსახურების ღირებულება.

5.3 შემსყიდველი არ აგებს პასუხს მიმწოდებლის მიერ მესამე პირებისათვის მიყენებულ ზიანზე ან ზარალზე.

5.4 შემსყიდველი არ აგებს პასუხს მიმწოდებლის მიერ მესამე პირის მიმართ ნაკისრ ვალდებულებებზე.

6. მომსახურების მიღება – ჩაბარების წესი

მომსახურება გაწეულად ჩაითვლება შესაბამისი ანგარიშ-ფაქტურის/სასაქონლო ზედნადების წარმოდგენის, შ.პ.ს. „საინჟინრო მონიტორინგის ჯგუფის“ წარმოდგენილი დადებითი დასკვნის და შესაბამისი მიღება-ჩაბარების აქტის გაფორმების შემდეგ. შ.პ.ს. „საინჟინრო მონიტორინგის ჯგუფის“ წარმოდგენილი დადებითი დასკვნის ხარჯები ანაზღაურდება შემსყიდველის (დედოფლისწყაროს მუნიციპალიტეტი) მიერ. (დედოფლისწყაროს მუნიციპალიტეტსა და შ.პ.ს. „საინჟინრო მონიტორინგის ჯგუფის“ შორის 2017 წლის 4 სექტემბერს გაფორმებული N94 ხელშეკრულების თანახმად).

7. ხელშეკრულების შესრულების კონტროლი

მიმწოდებლის მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე კონტროლს განახორციელებს დედოფლისწყაროს მუნიციპალიტეტის მერის პირველი მოადგილის ბრძანების საფუძველზე შექმნილი ინსპექტირების ჯგუფი შემდეგი შემადგენლობით: დედოფლისწყაროს მუნიციპალიტეტის მერიის პირველადი სტრუქტურული ერთეულის ხელმძღვანელი - ინფრასტრუქტურის, მშენებლობის, სივრცითი მოწყობისა და არქიტექტურის სამსახურის უფროსი დავით ფხოველიშვილი, მეორადი სტრუქტურული ერთეულის ხელმძღვანელი - ინფრასტრუქტურისა და მშენებლობის განყოფილების უფროსი ავთანდილ თეთრაული, მეორადი სტრუქტურული ერთეულის-ინფრასტრუქტურისა და მშენებლობის განყოფილების მე-3 რანგის მე-2 კატეგორიის უფროსი სპეციალისტი ნოდარ ზურაშვილი.

8. გასაწევი მომსახურების ხარისხი და გარანტია

8.1 მიმწოდებელი იძლევა გარანტიას, რომ მის მიერ გაწეული მომსახურება არ გამოავლენს ხარვეზებს და შესრულებული იქნება მაღალხარისხოვნად, წინააღმდეგ შემთხვევაში, იგი ვალდებულია საკუთარი სახსრებით თავად უზრუნველყოს გამოვლენილი ხარვეზის გამოსწორება.

9. ანგარიშსწორება

9.1 ანგარიშსწორება მიმწოდებელთან განხორციელდება ლარებში.

9.2 ანგარიშსწორება მოხდება შესაბამისი ანგარიშ-ფაქტურის/სასაქონლო ზედნადების წარმოდგენის, შ.პ.ს. „საინჟინრო მონიტორინგის ჯგუფის“ მიერ დადებითი დასკვნის წარმოდგენის, მიღება-ჩაბარების აქტის გაფორმებისა და დედოფლისწყაროს მუნიციპალიტეტის მერის ბრძანების (თანხის გადარიცხვის შესახებ) გამოცემიდან 10 სამუშაო დღის განმავლობაში. შ.პ.ს. „საინჟინრო მონიტორინგის ჯგუფის“ წარმოდგენილი დადებითი დასკვნის ხარჯები ანაზღაურდება შემსყიდველის (დედოფლისწყაროს მუნიციპალიტეტი) მიერ.

9.3 ანგარიშსწორების ფორმა იქნება უნაღდო. გადარიცხვა მოხდება მიმწოდებლის საბანკო ანგარიშზე.

ნ. გოძიშვილი 2017-09-04

10. ფასები

10.1 წინამდებარე ხელშეკრულების მე-4 პუნქტში დაფიქსირებული გასაწევი მომსახურების ფასი წარმოადგენს ხელშეკრულების ღირებულებით პარამეტრს.

10.2 ხელშეკრულების ღირებულებითი პარამეტრის შეცვლა ხელშეკრულების მოქმედების მთელი პერიოდის განმავლობაში დასაშვებია საცალო ფასის (გასაწევი მომსახურების განსაზღვრული ფასის) გაზრდის ან შემცირების, ინფლაციის მაღალი დონის, სავალუტო კურსის მნიშვნელოვანი ცვლილების, საგადასახადო რეჟიმის შეცვლისა და საქართველოს სამოქალაქო კოდექსის - 398 -ე მუხლში გათვალისწინებული პირობების შემთხვევაში, თუ აღნიშნული ცვლილებები არ გამოიწვევს ხელშეკრულების პირობების გაუარესებას შემსყიდველი ორგანიზაციისათვის.

10.3 ხელშეკრულებაში დაფიქსირებული ღირებულების გაზრდის შემთხვევაში მისმა ოდენობამ არ უნდა გადააჭარბოს ხელშეკრულების ღირებულების 10 % -ს.

11. ხელშეკრულებაში ცვლილებების შეტანა

11.1 ხელშეკრულების დამდებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს, შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.3 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

12. უფლებების გადაცემა

მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

13. ქვე-კონტრაქტორები

13.1 იმ შემთხვევაში, თუ ქვე-კონტრაქტორის დადების ან ქვე-კონტრაქტორის შეცვლის აუცილებლობა წარმოიშობა ხელშეკრულების შესრულების პროცესში, მიმწოდებელმა წერილობით უნდა აცნობოს შემსყიდველს ზემოაღნიშნულის შესახებ და მიიღოს მისგან წერილობითი თანხმობა.

13.2 ამ ხელშეკრულების ფარგლებში დადებული ყველა ქვე-კონტრაქტორის ასლი უნდა წარედგინოს შემსყიდველს მისი გაფორმებიდან ერთი კვირის ვადაში.

13.3 ქვეკონტრაქტორი კომპანია არ უნდა იყოს რეგისტრირებული სახელმწიფო შესყიდვებში მონაწილე არაკეთილსინდისიერ პირთა რეესტრში - „შავი სია“.

13.4 შემსყიდველის თანხმობის გარეშე ქვეკონტრაქტორის აყვანის შემთხვევაში, იგი უფლებამოსილია მიმწოდებელს შეუწყვიტოს ხელშეკრულება და დააკისროს ჯარიმის სახით პირგასამტეხლო სახელშეკრულებო თანხის 2%-ის ოდენობით.

13.5 ამ ხელშეკრულების ფარგლებში დადებული არცერთი ქვე-კონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

ი. გიგიაშვილი
თ. შ. შ.

14. ფორს-მაჟორი

14.1 ხელშეკრულებების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

14.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

14.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოინახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

15. მხარეთა პასუხისმგებლობა ხელშეკრულების პირობების დარღვევისათვის

15.1 სახელმწიფო შესყიდვის შესახებ ხელშეკრულების მოქმედების პერიოდში მხარეთა მხრიდან ხელშეკრულებით გათვალისწინებული ვადების დარღვევის შემთხვევაში მათ დაეკისრებათ პირგასამტეხლო ყოველ ვადაგადაცილებულ დღეზე ხელშეკრულების ღირებულების 1% -ის ოდენობით.

15.2 მხარეთა მხრიდან ხელშეკრულების პირობების შეუსრულებლობისათვის მათ დაეკისრებათ პირგასამტეხლო ხელშეკრულების ღირებულების 5% -ის ოდენობით, ხოლო ხელშეკრულების ნაწილობრივ შესრულების შემთხვევაში - შესასრულებელი (დარჩენილი) ვალდებულების შესაბამისი ღირებულების 10%-ის ოდენობით.

15.3 საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

16. ხელშეკრულების შეწყვეტა

16.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

16.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე მინიმუმ ერთი თვით ადრე.

16.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

16.4 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

16.5 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ი. ზეზუა მ. მ. მ. მ. მ. მ.

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) საქართველოს კანონმდებლობით გათვალისწინებულ სხვა შემთხვევებში.

16.6 ამ მუხლის მე-5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

17. დავების გადაწყვეტის წესი

17.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა პირდაპირი მოლაპარაკებების მეშვეობით შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

17.2 თუ შემსყიდველი და მიმწოდებელი ვერ შესძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

18. სხვა პირობები

18.1 წინამდებარე ხელშეკრულება ძალაშია მხარეთა მიერ ხელმოწერის დღიდან და მოქმედებს 2018 წლის 24 აპრილიდან – 2018 წლის 1 ივლისამდე

18.2 მიმწოდებლის მხრიდან მომსახურების გაწევის ვადებია 2018 წლის 24 აპრილიდან – 2018 წლის 25 მაისამდე.

18.3 ხელშეკრულება შედგენილია ქართულ ენაზე 2 ეგზემპლარად და ორივეს აქვს თანაბარი იურიდიული ძალა.

შემსყიდველი ორგანიზაცია:

დედოფლისწყაროს მუნიციპალიტეტი

მერის პირველი მოადგილე

სოლომონ ღორაშვილი



მიმწოდებელი:

შპს „ლიდერი“

დირექტორი

რამაზ გიორგაძე



ნ. გოჭიაშვილი
მ. გოჭიაშვილი

ტექნიკური დავალება

შესყიდვის ობიექტს წარმოადგენს: დედოფლისწყაროს მუნიციპალიტეტის ქ.დედოფლისწყარო გამარჯვების ქუჩის დარჩენილ მონაკვეთზე კიუვეტის მოწყობის; დედოფლისწყარო მუნიციპალიტეტის ქ.დედოფლისწყაროში რუსთაველის ქუჩის N90 და N104-ის მონაკვეთზე ასფალტის საფარის და კიუვეტის მოწყობის; დედოფლისწყაროს მუნიციპალიტეტის სოფ.ზემო მაჩხაანში ში საავტომობილო გზების მოხრეშვის; დედოფლისწყაროს მუნიციპალიტეტის სოფ.მირზაანში მიმავ: საავტომობილო გზაზე თვალამრიდის მოწყობის; დედოფლისწყაროს მუნიციპალიტეტის სოფ.მირზაან ე.წ.„გონაანთ“ უბანში საავტომობილო გზის მოხრეშვის; დედოფლისწყაროს მუნიციპალიტეტ სოფ.ზემო ქედში შიდა საავტომობილო გზების მოხრეშვის; დედოფლისწყაროს მუნიციპალიტეტ არხილოსკალოში მინდორში მისასვლელ გზაზე საქონლის შეფერხების მიზნით გადასასვლელი ბარიერ მოწყობისა და დედოფლისწყაროს მუნიციპალიტეტის სოფ.ქვემო ქედში მინდორში მისასვლელ გზა საქონლის შეფერხების მიზნით გადასასვლელი ბარიერის მოწყობის (2 ადგილას) სამუშაოებ საპროექტო-სახარჯთაღრიცხვო დოკუმენტაციის შედგენის მომსახურების შესყიდვა.

საპროექტო-სახარჯთაღრიცხვო დოკუმენტაციები უნდა მომზადდეს შემდეგი დეტალური აქტებ მიხედვით:

1.1 დედოფლისწყაროს მუნიციპალიტეტის ქ.დედოფლისწყაროში გამარჯვების ქუჩის დარჩენილ მონაკვეთზე კიუვეტის მოწყობა.

N	სამუშაოს დასახელება	განზომილება	სავარაუდო რაოდენობა
1	კიუვეტის მოწყობა	გ.მ.	250

1.2 დედოფლისწყაროს მუნიციპალიტეტის ქ.დედოფლისწყაროში რუსთაველის ქუჩის N90 და N104- მონაკვეთზე ასფალტის საფარის და კიუვეტის მოწყობა.

N	სამუშაოს დასახელება	განზომილება	სავარაუდო რაოდენობა
1	ასფალტის საფარის მოწყობა	მ ²	1000
2	კიუვეტის მოწყობა	გ.მ.	250

1.3 დედოფლისწყაროს მუნიციპალიტეტის სოფ. ზემო მაჩხაანში შიდა საავტომობილო გზების მოხრეშვა

N	სამუშაოს დასახელება	განზომილება	სავარაუდო რაოდენობა
1	გზების მოხრეშვა (მომანდაკება)	მ ²	12800
2	ქვიშა-ხრეშის ნარევი	მ ³	372
3	გზების დაგრიდებრა	მ ²	14800

1.4 დედოფლისწყაროს მუნიციპალიტეტის სოფ. მირზაანში მიმავალ საავტომობილო გზა თვალამრიდის მოწყობა.

N	სამუშაოს დასახელება	განზომილება	სავარაუდო რაოდენობა
1	თვალამრიდის მოწყობა d=114 მმ და d=150მმ. ლითონის მილების გამოყენებით	გ.მ.	20

1.5 დედოფლისწყაროს მუნიციპალიტეტის სოფ. მირზაანის ე.წ. „გონაანთ“ უბანში საავტომობილო გზის მოხრეშვა.

N	სამუშაოს დასახელება	განზომილება	სავარაუდო რაოდენობა
1	გზის მოხრეშვა/ხრეში	მ ² /მ ³	800/20
2	დაგრიდებრა	მ ²	800

1.6 დედოფლისწყაროს მუნიციპალიტეტის სოფ. ზემო ქედში შიდა საავტომობილო გზების მოხრეშვა.

N	სამუშაოს დასახელება	განზომილება	სავარაუდო რაოდენობა
1	გზების დაგრიდებრა	მ ²	51500
2	გზების მოხრეშვა	მ ²	15000

1.7 დედოფლისწყაროს მუნიციპალიტეტის არხილოსკალოში მინდორში მისასვლელ გზაზე საქონლ შეფერხების მიზნით გადასასვლელი ბარიერის მოწყობა.

№	სამუშაოს დასახელება	განზომილება	სავარაუდო რაოდენობა
1	შემაფერხებელი ბარიერის მოწყობა	ცალი	1

1.8 დედოფლისწყაროს მუნიციპალიტეტის სოფ.ქვემო ქედში მინდორში მისასვლელ გზაზე საქონლ შეფერხების მიზნით გადასასვლელი ბარიერის მოწყობა (2 ადგილას).

№	სამუშაოს დასახელება	განზომილება	სავარაუდო რაოდენობა
1	შემაფერხებელი ბარიერის მოწყობა	ც.	2

საპროექტო სახარჯთაღრიცხვო დოკუმენტაცია უნდა მოიცავდეს:

- ა) თავფურცელს - ობიექტის დასახელებასა და მისამართს;
- ბ) განმარტებით ბარათს;
- გ) სადეფექტო უწყისს;
- გ) გზის საფარისა და საგზაო სამოსის მოწყობის მოცულობათა უწყისს;
- დ) ტექნიკურ მაჩვენებლებს;
- ე) სიტუაციურ გეგმას სათანადო დეტალიზაციით კოორდინატთა სისტემაში;
- ვ) ორთოფოტოს;
- ზ) საინჟინრო გეოლოგიურ კვლევას, საჭიროების მიხედვით;
- თ) გზის არსებული მდგომარეობის ფოტომასალას;
- ი) გზის საფუძვლისა და საგზაო სამოსის კონსტრუქციულ მუშა ნახაზებს;
- კ) ხელოვნური ნაგებობების არქიტექტურულ-კონსტრუქციულ მუშა ნახაზებს;
- ლ) გზის განივ და გრძივ პროფილებს;
- მ) ლოკალურ და ნაკრებ ხარჯთაღრიცხვებს, საქართველოს კანონმდებლობით დადგენილი გადასახადების გათვალისწინებით;
- ნ) სამუშაოთა წარმოების პროექტს, კალენდარულ გრაფიკს.

შენიშვნა: საპროექტო სახარჯთაღრიცხვო დოკუმენტაცია საჭიროების მიხედვით უნდა შეთანხმდეს შესაბამის სამსახურებთან (შ.პ.ს. „სოკარ ჯორჯია გაზი კახეთი“, შ.პ.ს. „საქართველოს გაერთიანებული წყალმომარაგების კომპანია“, ს.ს. „ენერგოპრო ჯორჯია“).

2. საავტორო ზედამხედველობა

მიმწოდებელმა დამატებითი ანაზღაურების გარეშე უნდა უზრუნველყოს საავტორო ზედამხედველობა პროექტის განხორციელების პროცესში (საპროექტო დოკუმენტაციის მიხედვით კონსულტაციის გაწევა, საჭიროების შემთხვევაში საპროექტო დოკუმენტაციის კორექტირება, ხელშეკრულების პირობებისა და ღირებულების ფარგლებში).

3. მომსახურების გაწევის ვადები

მომსახურების გაწევის ვადა - ხელშეკრულების გაფორმებიდან 30 კალენდარული დღე. მომსახურება გაწეულად ჩაითვლება შ.პ.ს., საინჟინრო მონიტორინგის ჯგუფის "წარმოდგენილი დადებითი დასკვნის, შესაბამისი ანგარიშ-ფაქტურის/სასაქონლო ზედნადების წარმოდგენის და შესაბამისი მიღება-ჩაბარების აქტის გაფორმების შემდეგ. შ.პ.ს., საინჟინრო მონიტორინგის ჯგუფის "წარმოდგენილი დადებითი დასკვნის ხარჯები ანაზღაურდება შემსყიდველის (დედოფლისწყაროს მუნიციპალიტეტი) მიერ (დედოფლისწყაროს მუნიციპალიტეტსა და შ.პ.ს., საინჟინრო მონიტორინგის ჯგუფის "შორის 2017 წლის 4 სექტემბერს გაფორმებული N94 ხელშეკრულების თანახმად).

4. ანგარიშწორების პირობები:

4.1 სატენდერო წინადადებაში საერთო და ერთეულის ფასი გამოსახული უნდა იყოს შესყიდვის ობიექტის მიწოდებასთან დაკავშირებული ყველა ხარჯისა და საქართველოს კანონმდებლობით გათვალისწინებული ყველა გადასახადის გათვალისწინებით, გარდა დამატებითი ღირებულების გადასახადისა. „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანების 21-ე მუხლის მე-5 პუნქტის შესაბამისად იმ შემთხვევაში, თუ სატენდერო განცხადებით გათვალისწინებულია სატენდერო წინადადების დღ-ის გარეშე წარმოდგენა, პრეტენდენტი სატენდერო წინადადებას წარადგენს დღ-ის გარეშე, მიუხედავად იმისა, არის თუ არა იგი დღ-ის გადამხდელი. ასეთ შემთხვევაში, თუ გამარჯვებული პრეტენდენტი ხელშეკრულების დადების მომენტისთვის, საქართველოს კანონმდებლობის შესაბამისად, არის დღ-ის გადამხდელი, შემსყიდველი ორგანიზაცია ვალდებულია, ხელშეკრულების ღირებულებაში გაითვალისწინოს წინადადების ფასის შესაბამისი დღ-ის ოდენობა.

4.2 „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანების 18-ე მუხლის მე-5 პუნქტის შესაბამისად, იმ შემთხვევაში თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, ფასწარმოქმნის ადეკვატურობის დასაბუთება არ იქნება მოთხოვნილი, გამომდინარე გასაწევი მომსახურების სპეციფიკიდან (აღნიშნული მომსახურების გაწევა დაკავშირებულია ინტელექტუალურ შრომასთან).

4.3 ანგარიშწორება მოხდება უნაღდო ანგარიშწორებით.

4.4 ანგარიშწორება განხორციელდება ეროვნულ ვალუტაში (ლარში).

4.5 ანგარიშსწორება განხორციელდება შესაბამისი ანგარიშ-ფაქტურის/სასაქონლო ზედნადების წარმოდგენის, შ.პ.ს. „საინჟინრო მონიტორინგის ჯგუფის“ მიერ დადებითი დასკვნის წარმოდგენის, მიღება-ჩაბარების აქტის გაფორმებისა და დედოფლისწყაროს მუნიციპალიტეტის მერის ბრძანების (თანხის გადარიცხვის შესახებ) გამოცემიდან 10 (ათი) სამუშაო დღის განმავლობაში.

შენიშვნა: შ.პ.ს. „საინჟინრო მონიტორინგის ჯგუფის“ მიერ გაცემული დადებითი დასკვნის ანაზღაურდება მოხდება შემსყიდველი ორგანიზაციის მიერ.

4.6 საავანსო ანგარიშსწორება არ გამოიყენება.

5. ნორმები და სტანდარტები

მიმწოდებელმა საპროექტო-სახარჯთაღრიცხვო დოკუმენტაციის შედგენისას უნდა იხელმძღვანელოს ქვეყანაში მოქმედი სააშენებლო ნორმებითა და სტანდარტებით.

6. საპროექტო-სახარჯთაღრიცხვო დოკუმენტაციის რაოდენობა

გამარჯვებულ ორგანიზაციას ტექნიკური დავალების მე-3 პუნქტით განსაზღვრულ დროში მოეთხოვება თითოეული პროექტის (სრული საპროექტო-სახარჯთაღრიცხვო დოკუმენტაცია) ოთხი ეგზემპლარის წარმოდგენა, როგორც ბეჭდური, ასევე ელექტრონული (PDF ტიპის ფაილის, ხარჯთაღრიცხვა Exel-ის ტიპის ფაილის) ფორმით.

№	დასახელება	მომსახურების ღირებულება (ლარი)
1	დედოფლისწყაროს მუნიციპალიტეტის ქ. დედოფლისწყაროში გამარჯვების ქუჩის დარჩენილ მონაკვეთზე კიუვიტის მოწყობის სამუშაოების საპროექტო-სახარჯთაღრიცხვო დოკუმენტაციის შედგენის მომსახურება	350
2	დედოფლისწყაროს მუნიციპალიტეტის ქ. დედოფლისწყაროში რუსთაველის ქუჩის N90 და N104-ის მონაკვეთზე ასფალტის სფარის და კიუვიტის მოწყობის სამუშაოების საპროექტო-სახარჯთაღრიცხვო დოკუმენტაციის შედგენის მომსახურება	350
3	დედოფლისწყაროს მუნიციპალიტეტის სოფ. ზემო მაჩხაანში შიდა საავტომობილო გზების მოხრეშვის სამუშაოების საპროექტო-სახარჯთაღრიცხვო დოკუმენტაციის შედგენის მომსახურება	350
4	დედოფლისწყაროს მუნიციპალიტეტის სოფ. მირზაანში მიმავალ საავტომობილო გზაზე თვალამრიდის მოწყობის სამუშაოების საპროექტო-სახარჯთაღრიცხვო დოკუმენტაციის შედგენის მომსახურება	347
5	დედოფლისწყაროს მუნიციპალიტეტის სოფ. მირზაანის ე.წ. „გონანთ“ უბანში საავტომობილო გზის მოხრეშვის სამუშაოების საპროექტო-სახარჯთაღრიცხვო დოკუმენტაციის შედგენის მომსახურება	300
6	დედოფლისწყაროს მუნიციპალიტეტის სოფ. ზემო ქედში შიდა საავტომობილო გზების მოხრეშვის სამუშაოების საპროექტო-სახარჯთაღრიცხვო დოკუმენტაციის შედგენის მომსახურება	300
7	დედოფლისწყაროს მუნიციპალიტეტის არხილოსკალოში მინდორში მისასვლელ გზაზე საქონლის შეფერხების მიზნით გადასასვლელი ბარიერის მოწყობის სამუშაოების საპროექტო-სახარჯთაღრიცხვო დოკუმენტაციის შედგენის მომსახურება	300
8	დედოფლისწყაროს მუნიციპალიტეტის სოფ. ქვემო ქედში მინდორში მისასვლელ გზაზე საქონლის შეფერხების მიზნით გადასასვლელი ბარიერის მოწყობის (2 ადგილას) სამუშაოების საპროექტო-სახარჯთაღრიცხვო დოკუმენტაციის შედგენის მომსახურება	300
	სულ:	2597

შ.პ.ს. „ლიდერი“

პრეტენდენტი ორგანიზაცია

